

SANTEZ BARBA BENNIGUET,  
INTERCEDIT EVIDOMP, NI HO PED.

HISTOR EUS A VUEZ

SANTEZ BARBA,

*Pehini zo maddaveza reclamet dioc'h  
ar gurun ha dioc'h ar maro subit.*

Var an ton ordinal.



**M**E ho suppli, compagnenez,  
Da selaou cana ar Vuez  
Da zantez Barba biniguet,  
A zo a nevez composet.



Er bloa daou c'hant hac anter-cant,  
Dindan Maximin an tyrant,

F  
73

000 779 B



— 2 —

Demeus a noblanç bras meurbet,  
E Nicomedi voe ganet.



He zud a voa idolatret  
A gorf, a galon, a spertet;  
He zad d'ar gristenien garo,  
A rê o laqat d'ar maro.



Mes ar verc'hez Santez Barba  
Nemet Jesus ne gar netra;  
Christenez voa evit certen,  
Ha souten vras d'ar gristenien.



Oc'h e beza caer meurbet,  
Gant eur prinç bras voe goulennet,  
Hac e voa gantâ deziret  
Evit e c'haouet da bried.



He zad a gommandas dezi  
Accepti soudan ar parti;  
Mes hi a respontas neuze  
Ne raje biqen an dra-ze.

— 3 —



O sònjâl galloud he dompti,  
Gourc'hemen a eure dezi  
Antren en eun tour er prison,  
O clasq he renji d'e rêson.



Eno e câvas Doue e zad  
A ranversas gant eun tol troad :  
Da Jesus-Christ en em roas  
Corf hac ene a galon vad.



Ar c'homzou-màn a lavaras :  
Jesus a zo maro er groas,  
Voui a ràn d'ho Majeste  
A galon va virginite.



Neuze souden, dre viracl bras,  
Sin ar Groas qen don a c'hravas  
Gant e bis en eur men calet,  
E effaci ne allet qet.



Goude-ze e commandas prest

— 4 —

Ma vize great tri brennest  
 Evit enori an Drindet  
 A gare a galon barfet.



He zad an dra-ze pa velas,  
 Ouz ar Zantez a c'houlennas :  
 Petra sinifi qementse  
 Zo grêt dre hoc'h autorite ?



Evit enori an Drindet  
 O ober am eus commandet :  
 An Tad , ar Mab , ar Speret-Glan  
 A zo tri ferson en unan.





Tri brennest zo var ar prison ;  
 Un Doue zo en tri ferson ;  
 Mes va entent na ellit qet,  
 En defot beza badezet.





Va zad , pa em eus commancet,  
 E livirin dêc'h eur secret :  
 Credi a ràn en Jesus-Christ ;  
 Ha droug a ràn , ma zoc'h-hu trist ?


— 5 —

  
 Souezet omp ouz ho qüelet  
 Entrezoc'h , c'houi , idolatret ,  
 Ouz ho qüelet oc'h adori  
 Doueou grêt gant mein ha pri.

  
 Me ne ràn qet a estim bras  
 A Jupiter nac a Ballas ;  
 Satan en deus o invantet  
 Evit coll ar bobl eus ar bed.

  
 Eur re zo Egyptianet ,  
 Hac a ador ar serpantet ,  
 Ispicial ar c'hrocodil ,  
 A zo var dro rivier an Nil.

  
 Darn all a ador un eujen ,  
 Eur seurt all a bed un azen ,  
 Hac an dud a Alexandri  
 A ador ar c'haz hac ar c'hi.

  
 Etrezomp-ni oll , Christenien ,

— 6 —

A ador un Doue mui qen,  
Pebini a zo an Autrou  
Eus an douar hac an êvou,



Ho pet, balamour da Zoue,  
Ho pet truez ouz hoc'h ene;  
Lest al lezen-ze milliguet,  
Petramant e viot daonet.



He zad neuze pa e c'hlêvas,  
Dre goler vras e respontas;  
Esfrentet out, en assuranc,  
Comz er fêçon-ze em presanc.



Ia, ret eo, assuramant,  
E pez-te collet da sqiant,  
Adori un den zo crouguet  
Evit crimou hep mar ebet.



Va zad, laqet voa d'ar maro  
Gant ar judevien en e vro;  
Mes, va zad, ne ententit qet,

— 7 —

Penevert se e voamp collet.



Da ennes en deus va frenet,  
Va zad, ez on-me demezet;  
Brassoc'h mistr eo assuramant  
Eguet Maximin an tyrant.



Ennes en deus grêt a netra-  
Qement a velomp er bed-mâ,  
Hac a rei eur plaç da repos  
D'ar Gristenien er Barados.



Mes ar re ne gredint enna,  
Pa zeuyo da varn ar bed-mâ,  
O c'hondaono d'an tan grissas;  
N'en deus poan a ve qen divlas.



Er eur goler ec'h antreas,  
E gleze diouc'h-tu a dennas;  
He zreuzi a fellas dezàn,  
Mes Doue a viras ountàn.

— 8 —



Redec a eure var he lerc'h ,  
 Mes eur roc'h güenn evel an erc'h.  
 Evit he c'honservi antier  
 En em digoras dre'n anter.



Goude-ze e voe qemeret ,  
 Ha gant qerden rust amaret ,  
 Ha d'ar presidant Marcian  
 E zad el livras e-unan.



Ar presidant , pa e güelas ,  
 Ouc'h ar Zantez a c'houlennas :  
 Din-me prontamant livirit  
 Peseurt Doue a adorit.



Credit-hu certen , Presidant ,  
 Christenes oun certenamant ;  
 Ha ne zeus nac aour na tourmant  
 A elfe chench va zantimant.



Ho toueon zo hep gallout



— 9 —

Na da ober na mad na droug ;  
 Rac-se e zeo bras ho fazi  
 Laqat ar bobl d'o adori.



Souezet bras oun-me ganeoc'h ,  
 Va merc'h , truez am eus ouzoc'h ;  
 Qüittait ho lezen afo ,  
 Pe autramant ez oc'h maro.



Mar qirit chench a zantimant ,  
 Me royo dêc'h aour hac arc'hant ,  
 Hac eur Prinç bras evit pried ,  
 Ho caro a galon barfet.



It gante en perdicion ,  
 Jesus eo va zenzor güirion ;  
 Bras ve an den ambitius ,  
 Ma na ve contant a Jesus.



E zad neuze , pa he c'hlêvas ,  
 D'ar Presidant a lavaras :  
 Autrou Presidant , grit justic ,

— 10 —

Rac homàn zo leun a valiç.



Rac-se grît justiç, me ho ped,  
Ha dezi ne faziet qet,  
Pe me scrifo a dra certen  
Ez oc'h evit ar Gristenien.



An Impalaër dre e arrêt  
A ordren ma vezo losqet;  
Mar faziit, credit ervat  
Ez oc'h assur da goll ho stat.



Neuze souden voe divisqet,  
Ous eur piller e voe staguët,  
Ha dispennet gant scrifellou,  
Ma coeze he c'hig a beziou.



Un horrol bras e voa güelet  
He goad virginal o redec,  
He ne voa den, bras na bian,  
N'e voeljout oll guitibunan.

— 11 —



Goude d'ar prison voe casset,  
Er bassefos e voe laqet,  
O clasq dont a ben anezi,  
Autramant e desesperi.



Neuze souden voe bisitet  
Gant Jesus-Christ, Salver ar bed,  
Pehini, en eur douch outi,  
A eure salo anezi.



Barba, va merc'h, ho pet courach,  
Rac ar Presidant a arrach  
Ouzoc'h, en defot va c'huittât  
Da adori Doue ho tad.



Jesus, n'am abandonit qet;  
Mar plich ganêch, va zicouret,  
Ma ellin souten constamant  
Evit ho cloar pep seurt tourmant.



An eol, al loar hac ar stered

— 12 —

A ve gent mil güech distrujet  
Hepqen ma fazien deoc'h  
Ha n'am be sourci ac'hanoc'h.



An eil ternos e voe tennet  
Evit beza interrojet,  
Hac e voe roet dei da choas  
Renonç, pe souffr tourmanchou bras.



Hi, fortifiet gant Doue,  
Prest a respontas d'ar Roue :  
Lavaret em eus dec'h dija  
Va zantimant, hep nac'h netra.



Birviquen james ne chenchàn  
Ar pez a lavarìn bremàn :  
Va Jesus a zo em c'halou,  
E varo hac e bassion.



Hac a vezo da virviquen  
Evit nep glac'har, nep anqen ;  
Rac-se, tyrant, depech afo,

— 15 —

Deus d'am c'hondaoni d'ar maro.



An tyrant-se gant e arrach  
A laqas dispen e bisach  
Hac ar c'hig divar e c'hostou,  
Gant cribou houarn ha scifellou.



Gant goulouennou alumet  
E goulou a voe rostet,  
Hac e diou vron a unanou  
Distaguet gant razouerou.



Tennet voe neuze en noaz beo,  
Goloet hepqen gant e bleo,  
Gant eur goabren gūen meurbet  
E goloas Salver ar bed.



Var e fenn an toliou morzol  
A scōe gant qer bras horol,  
Ma crene memes ar pave  
Gant an toliou a receve.

— 14 —



Pa veljont n'allent qet outi,  
O deus sònjèt e c'hondaoni  
D'ar fin da veza dibennet  
Var eur chaffot a voe dresset.



Ar bourreo gant truez outi  
Ne zibenne qet anezi ;  
E zad, bourreo ar c'hruella,  
En em ofras d'e dibenna.



Neuze ec'h eure eur beden  
Da Zoue vit ar Gristenien,  
Ma pliche da Zalver ar bed  
Accordi dezi eur reqet.



Goulen a eure ouz Doue  
Evit piou benac m'e fedje  
Ne varvo qet subitamant  
Abars receo ar Zacramant.



Un Æl neuze' apparissas,

— 15 —

Ha d'ar Zantez a lavaras :  
Barba , n'ho ped douetanç ebet ,  
Accordet eo d'êc'h ho reget.



Eur gurunen a c'hloar a zougàn  
Bremâ-souden d'ho curunàn ,  
Rac prest oc'h da vont da velet  
Doue , ar Zent ha Sentezet.



Eun tol cleze digant e zad  
A zispartias evit mad  
E c'horf eürus diouz e fen ,  
Hac e lamas a bep anqen.



Eun tol curun demeus an cê  
A foueltras e zad goude ze ;  
Qement all evit paeamant  
A c'hoarvezas gant an tyrant.



Ebars en calz eus a vroyou  
Eus dediet dei Chapelou ;  
Mes unan zo dreist pepini

— 16 —

A interest ac'hanomp-ni.



An drede deiz a viz Gouere  
E ve bras ar solanite  
E Santez Barba, en Rosco;  
Eno e ve tud a bep bro.



Pedomp-hi eta, Bretonet,  
Ma vimp dre e graç preservet  
Demeus ar gurun hac an tan,  
Ha da saveta! peb-unan.

FIN.




---

E Montroulez, e ty LÉDAN, ru Pont-an-Itron-Varia.